



CENTRI CIVILNIH INICIJATIVA
ЦЕНТРИ ЦИВИЛНИХ ИНИЦИЈАТИВА

KANCELARIJA BANJA LUKA
Petra Kočića 41, 78000 Banja Luka
Tel: 051 212 118; Fax: 228 172
e-mail: ccibl@inecco.net
www.cci.ba

Broj: 15-VII/2015
Banja Luka, 20.07.2015. godine

UNAPREĐENJE TRANSPARENTNOSTI RADA LOKALNIH VLASTI U BOSNI I HERCEGOVINI

PREDMET: Inicijativa za unapređenje web sadržaja lokalnih samouprava

Poštovani,

Kao što Vam je poznato, Centri civilnih inicijativa (CCI), već duži niz godina rade na poboljšanju javnih politika u različitim oblastima javnog života. Jedan od važnih segmenata našeg interesovanja jeste unapređenje komunikacije građana i lokalnih samouprava zbog toga što ovaj segment predstavlja ogledalo dobrog i transparentnog upravljanja. U tom smislu posebno ističemo važnost i potrebu unapređenja web stranica lokalnih samouprava u skladu sa Preporukama o minimumu relevantnih sadržaja. Preporuke su nastale kao višemjesečni rad Radne grupe sastavljene od svih relevantnih predstavnika za ovu oblast iz cijele BiH (tekst u prilogu).

Početakom 2015. godine CCI-a su pokrenule kampanju pod nazivom "Unapređenje transparentnosti lokalnih vlasti u BiH", podržanu od Ambasade Švajcarske u BiH, a s ciljem poboljšanja web sadržaja na službenim internet stranicama svih lokalnih uprava u BiH. Tom prilikom je formirana radna grupa od predstavnika lokalnih samouprava koja je u saradnji nadležnih entitetskih ministarstava i agencija, novinara i NVO sektora sačinila Preporuke za unapređenje web sadržaja jedinica lokalnih samouprava u skladu sa smjernicama i dobrim praksama zemalja okruženja i Evropske unije.

S tim u vezi:

1. Iniciramo usvajanje podzakonskog akta na lokalnom nivou koji bi u skladu sa Preporukama obezbijedio minimum relevantnih sadržaja na web stranicama lokalne samouprave.

Obrazloženje: S obzirom na postojeću neusklađenost sadržaja i arhitekture web stranica lokalnih samouprava, potrebno je donijeti provodiva podzakonska akta na lokalnom nivou koji bi pratili odredbe Preporuka za unapređenje web sadržaja jedinica lokalnih samouprava u BiH. Ovo će doprinijeti obezbjeđivanju minimuma relevantnih sadržaja koji će biti jednaki u svim jedinicama lokalne samouprave u BiH, te će svim korisnicima ovih stranica olakšati njihovu upotrebu. Neophodno je da na ovaj način web stranice lokalnih samouprava imaju prepoznatljiv izgled, prema sadržaju i dizajnu, koji nedvosmisleno pokazuje da je riječ o stranici institucije, bez obzira o kojem nivou vlasti je riječ.

2. Iniciramo uvođenje prakse izrade pojednostavljenog prikaza budžeta u skladu sa dobrim praksama zemalja u okruženju.

Obrazloženje: U zemljama okruženja, posebno u Hrvatskoj, već više od 5 godina postoji praksa izrade brošure „Proračun u malom“ koja je na jednostavan način objašnjava građanima koji je obim prihoda i rashoda za tekuću godinu lokalnog budžeta, te namjere lokalne samouprave za raspodjelu budžetskog novca u cilju unapređenja kvaliteta života građana u lokalnoj zajednici. Ovo je neophodna praksa koja treba da se realizuje i u našim opštinama i gradovima, da bi građani mogli da razumiju finansijske okvire i realizaciju novca s obzirom da su to javni novci prikupljeni putem poreza i drugih davanja.

CCI Tuzla

Ludviga Kube 7,
75000 Tuzla

Tel: 035 247 740; Fax: 278 232
e-mail: ccituzla@bih.net.ba

CCI Sarajevo

Zmaja od Bosne 40,
71000 Sarajevo

Tel: 033 715 986; Fax: 715 985
e-mail: ccisa@bih.net.ba

CCI Mostar

Kalajdžićeva 4,
88000 Mostar

Tel: 036 580 553; Fax: 556 511
e-mail: ccimo@bih.net.ba

CCI Dobo

Svetog Save 4A,
74000 Dobo

Tel: 053 227 096; Fax: 241 543
e-mail: ccido@ccibh.org

CCI Bijeljina

Karađorđeva 8,
76300 Bijeljina

Tel: 055 222 111; Fax: 222 112
e-mail: ccibi@ccibh.org



Centri civilnih inicijativa (CCI)



CCIBH

www.cci.ba

(www.ccibh.org)

3. Iniciramo izradu vodiča za privrednike i investitore koji treba da bude na jeziku jednog od konstitutivnih naroda BiH i još bar jednom svjetskom jeziku (sugerišemo engleski).

Obrazloženje: Privredni ambijent predstavlja jedan od nosećih stubova lokalne zajednice i društva u cjelini. Zbog toga je neophodno obezbijediti jasne, sažete i valjane informacije o privrednim potencijalima svake lokalne samouprave te korake koje investitor treba da preduzme da bi u što kraćem roku, a u skladu sa važećim zakonskim propisima investirao svoj novac i tako ostvario zaradu i privredni rast.

4. Iniciramo kreiranje službenog profila na jednoj od društvenih mreža kao aktivan kanal komunikacije sa građanima.

Obrazloženje: Trend savremenog društva su komunikacije putem društvenih mreža. U prvom redu putem Facebook-a i Twitter-a. Zbog toga je potrebno da svaka lokalna samouprava ima svoj službeni profil na jednoj od društvenih mreža i tim putem provodi stalne javne rasprave o važnim pitanjima za lokalnu samoupravu kao što su: donošenje i realizacija budžeta, kapitalne investicije i drugi razvojni projekti. Pored toga, građani putem društvenih mreža mogu da izraze mišljenje ili postavе pitanje i o drugim stvarima u nadležnosti lokalne samouprave i time daju doprinos boljoj koordinaciji volje i potreba građana sa aktivnostima i mogućnostima lokalne samouprave.

5. Iniciramo razvoj servisa e-Usluge u skladu sa postojećim kapacitetima lokalne samouprave da uradi taj posao.

Obrazloženje: Razumijevajući kapacitete lokalnih uprava ali i razvoj internet komunikacije i nadolazeće vrijeme, neophodno je u ovoj fazi na web stranicu postaviti spisak e-usluga koje pruža lokalna administrativna služba, kao što su: Lični dokumenti, finansijska podrška, izgradnja i stanovanje, poslovanje, saobraćaj, sport i kultura.

Srdačan pozdrav,



Zoran Adžaić,
Projekt menadžer

*Za sve dodatne informacije budite slobodni da nam se obratite.
Kontakt osoba je Obren Bjelošević, projekt koordinator,
mob. 065 61 48 99; e.mail: obren@ccibh.org*



**web sadržaj
веб садржај**